

長沙縣志

第 三 冊  
卷之七 公署  
卷之八 賦役  
地 270.13  
38  
部 10.13



長沙縣志卷之七

公署

置署猶建國也辨方正位有閔其門有潭其府豈第為坐嘯  
畫諾地哉百里寄命責綦重已庶事其康宣力艱已何以慎  
憲何以省成何以禁暴詰奸何以興養立教同好棄惡穀我  
士女教甯於是乎在志公署舊小序


長沙縣志

卷之七

公署


一

縣署圖



縣署 長沙縣治漢時在大西門內為臨湘縣隋大業三年始改稱長沙宋移置郡城東定王臺元徙城東北隅以舊址建廉訪司明洪武初移建北關之西十八年知縣王銓改建北關外元妙觀舊址宏治中知縣艾旻重修萬厯初當事請仍改入城內不果二十年知縣鄧雲龍重修三十三年知縣趙彬以倉庫獄囚城外不便捍守遂將潮宗門內便民倉改建崇禎時知縣史記言楊觀吉趙玉成楊雲鶴相繼加修十六年燬於賊

國朝順治四年長沙初附知縣劉學亮僦居民舍十二年知縣朱明魁擇建於衛署之右康熙元年知縣胡壯生移居廢藩府十三年吳逆陷長沙署燬十八年官兵克復省城知縣蔡



鵬仍居廢藩城內二十年知縣王基昌以潮宗門內舊址半爲營兵所佔申詳上憲改修小吳門內錢局爲署並設縣丞典史兩署二十二年復事鼓鑄知縣朱前詒呈請卽潮宗門內舊址修建先捐貲四十兩贖還基地再以百六十兩買房屋一所擇吉興工士民協力經營爭趨恐後四閱月而工竣周圍築牆爲界大門拱南外峙照壁儀門外東建土地祠三間西建馬坊儀門內中建大堂三間顏曰誠求保赤川堂三間顏曰正心誠意東西廂各五間後樓三間顏曰景嶽樓牆東爲縣丞署曹俊章建西爲典史署朱之璽建乾隆二年知縣王世經於大堂甬道恭建

上諭牌坊三年始建兩旁廊房以居六科書吏儀門東爲羈候所

長沙縣志

卷之七

公署

三

西爲號房兩廊爲民壯屯禮工壯阜快捕各班公所三十二年知縣李蒔五十三年知縣傅廣聰嘉慶四年知縣李華黼均詳請借項修葺華黼並砌石甬道建東西柵門顏曰推誠保赤挈領提綱九年八月晦二堂壞知縣陸豫以大堂及

上諭牌坊俱朽蝕詳明墊貲修建十二年知縣趙文在以三堂樑柱及二堂後亭朽敗詳請修建先是三堂樓貯盜甲至是以禮請移貯縣治後三官殿十三年重修貯餉庫房十四年復設餉櫃於戶科前設傾餉所於大堂西始免銀匠櫃書侵挪之弊並修葺署內各處增飾柵門顏曰三湘首邑九郡名區

規模愈宏廠矣

重修縣治碑

康熙二十四年車萬育撰

嘗考長沙之爲郡自西漢始也長沙之爲邑自隋大業始也前乎此曰臨湘後乎此曰龍喜曰常豐代有更置而以隋所稱名者近是故元與明皆因之古來縣治東

西屢遷洪武初建於北城之內尋移於北城之外是郡自郡而邑自邑也皇哉世運隆平疆宇清晏雖作邑於郊而人不誠古道有然闕二百餘年吏恪職而民樂生閭里無歎息之聲比屋有可封之俗至今父老談天寶遺事猶足令人耳熱焉無何隆萬而下風漸驚陵人無固志爾時吏政亦遂有難為者矣萬歷乙巳洛陽趙公彬驚心時事請於潮宗門內便民倉址而營邑焉今即其處也迨崇禎癸未不四十年流賊張獻忠由秦豫至斯時也徭賦增而人心怨藩孽作而內釁生遂令瓦解而邑治燬者四十年伊可歎也亦可鑒也天祐蠢動幾番徵調最爾長沙無一得免民力衰竭所固然也官茲土者類如傳舍或傲居藩邸或賃貸民房社稷無依地靈罔叶無他官不知愛養則物力絀民不親長上則攜貳生有坐視而廢墜焉耳爰及癸亥序易上元識者謂否將傾矣恭逢邑侯朱公前詒江南名閥且名士也深心大力學道愛人者有年分符涖邑甫下車而慨然曰有是哉邑無官廨令幸雞棲奚以為政乎然勞民力而耗民財吾不忍也於焉自傾資斧矣日割餐錢矣除供億之常數汰買辦之漏卮矣且也比較寬而手足得暇追呼省而愁怨日紓癸亥之秋因相其舊區披荆榛滌瓦礫度形規勝而鼎建之凡軍民席其基者還以償而木石採於里者給以錢萬姓歡呼踴躍趨事無旦夕焉公迺戒日勿亟且有待然其士民樂効急欲觀成皇皇公署

長沙縣志

卷之七

四

如也經四閱月而工竣請公擇吉居之則十二月初八日也是日也紳士與民無遠近皆至簇擁鼓歌公升堂而樂焉僚屬賀曰經四十年閱十六官而莫能興復我公毅然而任之涖治甫半載鳩工不數月而告成功非愛養情深民心推戴不至此於以鞏干百載之苞桑肇億萬人之樂利建國本而奠民生皆我公再造之長沙奕世戴德曷敢忘乎最異者公喬遷猶未竟日其先所備民舍幾被鄰災公得以無恐馳往載拜而風反火滅人謂天之報施循良如此行見公之身登紫闈公之家大駟門與今縣治叶吉同作是觀烏可不勒石以示後人哉邑之人徵言於余余家邵陵距長沙二百餘里德政錫光照臨甚邇雖備員垣中聞之志喜得采風而為之記建縣署記 康熙二十四年 朱前詒撰 春秋重用民力於城築之事必謹而書譏用力於所不當為也獨闕宮諸役闕而不書蓋以一日之勞基百年之逸則於義時有取焉潭四戰區也左交廣右滇黔昆明餘波流及瀟湘卑溼長沙鞠為茂草百雉之都城昔以之宅編氓者今以之宅狐兔矣萬間之廣厦昔以之居守令者今以之居狙猿矣始而據之以為室繼而析之以為薪終而燎之以為炬嗟乎滋他族而逼處聽鼙睡於臥榻此官是土者所以望故宮之墟而喟然興歎也余於康熙二十二年抵長受事時郊壘雖空民居未奠縛竹為瓦引繩作樞如鳥棲如鹿逐如浮居泛宅念此羸者氓也蕩析流離不遑甯處長吏何心尚著想於懷安乎余

收離糾述輯勞止之民與為休息如是者幾三年始得問桑  
土而計綱繆也二三父老進而請曰吾儕小人田爾田而宅  
爾宅服先疇以給餽粥依徹廬以蔽風雨而吾君吾長開闢  
不高僭於隸人雖使君不自惜其若國體何余重違羣議為  
之度土為之庀材捐金四十兩購土一區以資式廓復捐金  
一百六十兩購屋一區以俱繩削抹陜陜而度蕤蕤不煩磬  
鼓之率怠也越三旬而興百堵不煩黔皙之分謗也為楹者  
五為樓者一為門者二蓋役不淹時而已底厥績焉落成後  
長人請記於余以垂久遠余維完舊書城創始書築上之所  
以用其民者如此其重告我父兄紳厥子弟下之所以用其  
力者如此其輕則推余所以重用其民之心與民所以輕於  
自用之力上下之情不亦皆可述而志哉況築室者樸斲之  
後繼以丹雘垣墉之餘踵為堅茨則余今日之役聊有  
事於樸斲垣墉耳丹雘而墜茨端有望於後之君子云

長沙衛署在新開門內今廢原委詳古蹟志

縣學署 教諭署在

文廟左乾隆十三年教諭黃綸糾

邑紳重建訓導署舊在萬福禪林右雍正七年因設立觀風  
院署移建訓導署於北門內莊宗伯坊側咸豐九年省城隍

廟藥局火

文廟被轟教諭署毀而訓導署亦歲久朽敗

修葺費不貲邑人士捐修

文廟並建學署因謀兩署合

一建於教諭署故址稟呈府憲將訓導故署出售經始於同  
治二年春落成於三年秋署凡五進前為學書門斗房中為  
大堂東教諭署西訓導署廳屋書房倉廚井匱之屬東西如  
一通計廣一十一丈四尺前從照牆根起直至後園盡處共  
二十二丈大堂有碑記

署左建斯文  
祠以祀土神

縣丞署

康熙二十二年新修縣治縣丞曹俊章即牆東房

居焉三十八年改建於小吳門內錢局東首雍正八年知縣  
單含縣丞饒國璋移建於小東街口之西頭門大堂二堂內  
室俱備

典史署 原在縣治西康熙六年燬於火典史儼居民房二十二年典史朱之璽移居縣治牆西房屋雍正十年典史胡步青糾紳捐貲置小東街口縣丞署左側地基建造今署

監獄 附

監房舊在錢局左側康熙二十三年知縣朱前詒重修三十八年改建於錢局西首雍正六年知縣倪其忱詳請改遷不果八年錢局開鑄知縣單含捐貲移建縣治之西典史署舊址乾隆三十九年知縣周夢龍四十九年知縣李師白嘉慶五年知縣楊治均詳請領項修治計內監六間外監三間廚房二間極爲完固

橋頭司巡檢署 橋頭鋪舊未設官有公館爲往來差使憩

息之所雍正七年設立驛丞驛丞錢世祿建造衙署及馬棚廠縣分撥馬五十匹馬夫二十五名排夫六十三名乾隆二十七年奉文改驛丞爲巡檢兼管橋頭驛務繳銷驛記改鑄印信無何署圯巡檢借居民房三十年巡檢張儼直詳請改建於橋頭河北官地藩憲諭以公館爲署不果遷後因疊被水衝三十八年巡檢呂宸詳准移建張儼直詳定之處以地勢較高可免水患道光二十四年五月大水突至衙署公館馬號均壞明年移建附近之黃土坡地基計價八十千文直長二十四丈上寬十五丈下寬二十一丈其站馬奉文抽撥數詳兵防志

駐防署 向無衙署乾隆九年奉文修建官廨於縣治東北

張公祠之西造營房二十九間今移建東長街

境內衙署公所

巡撫署在城中近北先是駐節沅州兼轄偏橋衛爲偏沅巡撫後偏橋衛割隸貴州始移駐長沙明故藩四將軍府順治十四年經略洪承疇駐劄建造並建集思堂康熙三年巡撫周召南繼修並建求莫樓十八年巡撫韓世琦又修嗣是巡撫趙申喬建

御碑亭巡撫蔣溥建又一村巡撫開泰建雙清亭巡撫范時綬建豐樂亭巡撫吳榮光建澄湘臺

鹽法長寶道署 在萬福禪林右先是爲長沙府義學旋改爲巡察御史署雍正七年都察院僉都御史李徽充湖南等

長沙縣志

卷之七

公署

七

處觀風整俗使改爲觀風院署十年缺裁十二年設驛鹽長寶道始改爲鹽道署驛傳尋改歸按察使驛鹽道改爲鹽法長寶道

長沙府署舊在南門內登瀛街卽今學院署左同知署右通判署康熙四十六年知府崔岱齊遷建故藩城之東卽今府署乾隆四年知府馬金門於署東建常平倉十一年知府呂肅高於儀門內左右建官廳並建扁大堂顏曰天理國法人情內堂曰願聞已過

撫標中軍參將署 在北門內長邑 學宮前康熙二十年遊擊海珠偕本營官弁捐建

左營守備署 在福星街康熙六十年建



右營守備署 在小東街康熙五十五年建

善邑境內衙署公所 附錄

布政使署 在瀏陽門內康熙三年部議以布政使司分駐  
長沙藩司于朋舉建

按察使署 在端履街即舊儀衛司 國初改巡道司康熙  
三年奉裁部議改設按察司七年臬司趙曰冕建

糧道署 在黃道街原督學道舊署康熙二十二年驛鹽糧  
儲道趙廷標建雍正十一年分設驛鹽道今改為督糧道衙  
門

同知署 在學院署左

通判署 在學院署右

長沙縣志 卷之七

公署

八

府經歷署 在通判署右

司獄署有二 一臬司獄在經歷署右  
一府司獄在義以成仁巷內

庫大使署 在藩署右

理問廳署 在藩署右理問街

學院署 在南門內登瀛街明設湖南提學道

本朝順治十八年改為湖廣提學道康熙四十二年改為學院  
雍正元年分建南闈二年二月鄉試以一官難於兼攝部議  
暫以南布政代理學院事務是年冬改設湖南學院提督全  
省學政因改舊府署為學院署

府學教授署 在府學宮左

府學訓導署 在府學宮右

協鎮署 在藩司圍牆後東長街左

協營都司署 舊在天星閣因改建城南書院遷稻田桂花井舊守備衙門

撫標右營遊擊署 在青石街魚塘側

照磨廳署 在魚塘公館左巷內

道庫大使署 在樊西巷

接官亭

附

一在北門外新泰橋

御碑亭前雍正九年建接官廳一棟並頭門馬棚等處乾隆十二年因官廳碑亭損壞知縣李大本詳明修葺五十一年官廳傾圮知縣傅廣聰復建因原建鐵佛寺壯麗宏敞乃於其前

長沙縣志

卷之七

公署

九

棟迎接

詔命往來官使此廳不復歲修嘉慶二年知縣蔣紹宗奉府札拆毀其官廳木植甃瓦改建賢良祠宇飭委典史王綬丈明基地四抵南自廖姓田界起北抵毛姓園址東自古壕起西抵官路周圍計八十八丈五尺碑亭地面橫寬二十七丈五尺直長十丈二尺五寸官廳地面橫寬一十四丈五尺直長九丈共折方三十丈六尺二寸五分審定界石招佃經營作種歲收租銀四兩歸入賢良祠案內給僧承領以作香火薪水之資官廳遂廢

一在大西門外乾隆十二年知縣李大本飭差協甲查明河岸官地一處原係接官亭舊址三十八年知府王鳴撥罰北

省鹽商銀兩修建官廳碼頭礮岸並建牌坊爲各憲迎送之所東首有空屋二間一給役看守一召賃收租以作歲修之費嘉慶元年長善典史會詳伺候迎接一遇風雨昏夜無處駐足遂以召租一間爲典史公所